



ЛЕНИНЭНЬ КИЯВА

1941 ие
М А Е Н Ь
11-це чи
52 (1348) №

ЛИСИ: 11-це ие,
12 № новс

ВЛКСМ-нь Мордовской обкомонтъ ды Саранск ошонь комитетэнтъ газетаст

Тунда видемась ды политпросветучреждениятнень задачаст

Большевистской партиася путсь велень хозяйстванть икелев покш ды ответственной задача—пурнамс те иестэнтъ 7 миллиард 900 миллион пондо скоро, значительна кастамс весе культуратнень урожайностест ды животноводствань продуктивностест.

Те задачанть топавтоманзо кис боро-пицятнень рядсо активной тарка должны занямс политпросветучреждениятнень—велень клубне ды ловнома кудотне. Ней, зардо ков чи яла седеяк келейгадыть паксянь роботатне, сынъ эсь роботаст целанек должны кандомс паксяв, велямс культурно-массовой робота паксянь стансо.

Ламо велень клубт ды ловнома кудот еще тельня тейсть парсте арсезь плант тунда видеманть шкасто колхозниктнень обслуживанианть туртов, активест явизь башка участва ды видипятнень марто вейсэ клубтнень ды ловнома кудотнень роботаст кандозель паксяв, видемань васенце чистэнтъ жо паксянь стантнэсэ листь стенной газетат, столтнень лангс появаст интересной книгат, свежа газетат, шашкат, шахматт ды лият.

Ичалковской райононь «2-я пятилетка» колхозсонть ютась иестэнтъ асатышкасто организовазель культурно-массовой роботася. Сёксия, зардо колхозниктне эсест вейсэнь собраниясо толковасть производственной иенть итогтнень, колхозонь руководителтне ульнест кеместэ критиковазь сень кис, мекс паксянь роботатнень ютавтомаст шкасто арасель сынст пельде явозь сатышка мель культурно-массовой роботанть ютавтомантень. Зарья колхозникть кортасть седе, што бути бу велень ловнома кудось организовавлизе эсензэ активензэ ды роботанзо кандовлизе паксяв, то те максоволь покш леске колхозонтень, способствовал бу производственной роботанть вадрыгавтомантень, трудовой дисциплинанть кемекстамонтень. Невтезель зарья примерт ютазь иетнень роботанть практикастонтъ. Колхозонь руководителтне ловизь колхозниктнень замечанияст пек видеке ды питнейке ды те иестэнтъ путызь весе влест сень, штобу кода эрвыи организовамс колхозниктнень культурно-массовой обслуживанианть. Ней паксянь стансонть ули радио, ладязь медицинкой обслуживания. Ютко шкатнестэ тестэ чистэ можна нееме агитаторт, конат ловныть колхозниктнень свежа газетат, толковить тенст лия колхозтнень роботань опытест, республикань знатной колхозниктнень роботадост. Обед шкасто сакшвыть паксянь станов тонавтницят, конат невтнить колхозниктнень вишка постановкат ды лия номерт.

Культурно-массовой роботань истят примерт можна невтемс минек республикань ламо районсто. Меельсь шкастонть ламо библиотекат тонадсть аволь беряньстэ обслуживать колхозниктнень паксянь роботатнень шкасто, но ламо эйстэст те шкас яла эзизь чарькоде эсест ролест велесэ культурно-массовой роботань ютавтомасо. Истямокс можна лемдемс Кенде велень (Дубенской район) ловнома кудонтъ, конань те шкас яла арась мик роботамонь планозыяк. Ловнома кудосонтъ аштить кодат-бути умонь книгат, весе раздэз, лангаст пуль, но вельсоветэнтъ овси а тревожи истямо положениася. Бути сыргамс паксяв, то саемс а мезе, вейкеяк вадря книга арась. Нельзя кучомс паксяв агитбригадаяк, секс што арась музыкальной инструментт. Ловнома кудосонтъ ульнест радио, но меельсь шкастонть сонзэ эйстэ кадовсь аныак чаво коробка, остатка частне жо весе яжазь ды витнемадост кияк а арсияк.

Седеяк берянь культмассовой роботанть коряс теvesь теке жо райононь Кочкурова велесэ. Комсомольской организациясь тельнень перть кортась культурно-массовой роботадонтъ, тейнесь аволь берянь плант, но кода сась тунда видема шкас, кода колхозниктне листь паксяв, стувтызь весе планост, кортамотне кадовсь чаво валокс. Колхозтнэсэ трудовой дисциплинась аволь пек вадря, эриволь бу кучомс паксяв агитаторт, келейгавтомс колхозниктнень ютко социалистической соревнованиянть, бороямс сень кис, штобу аволь ёма стяко вейкеяк минута истямо питней шкасто, но а комсомольской организациясь, а ловнома кудось теде кода эрвыи эзть арсе.

Тунда видеманть шкасто колхозниктнень культурно-массовой обслуживаниася пек лезды видеманть шкасто прядомантень ды самай секс эрва велень ловнома кудось должен нейке жо виензамс эсест роботаст, организовамс эсест перька актив ды кучомс сонзэ паксянь станов. Тосо, косо парсте ладязь ловнома кудотнень роботаст, покш леске максыть паксясо культурно-массовой роботанть ютавтомасо школатне. Эрва школосо улить паро библиотекат, муевить ёвнемань ды стихень паро ловныцят, гитарасо, балалайкасо ды лия инструмента седицят. Эрва школась может кучомс паксяв агитбригада, конась парсте обслужит колхозниктнень ютко шкаст.

Культурно-массовой роботанть вадрыгавтоманзо туртов улить условият эрва велесэ ды мезеньгак атак учне ловнома кудотне должны теемс те те-венть кода можна седе курок.

Красный Узел станциясонть

Красный Узел станциянь коллективесь успешно бороци поездтнень бойкасто продвижениянть кис. Эрва суткане полдтнн поездт ды примакшны 110 проц. пландо велькеса.

Вадря результат добовась станциянь дежурноеь Сергеев ялгась. Трудонтъ парсте организовамосонзо сон обеспечил поездтнень бесперебойной примамонтъ ды отправлениянть. Составитель И. Кудрявцев ялгась поездтнень

обслуживает скоростной методсо роботазь. Вагонтнень старшей осмотрикесь Скопцов ялгась эсь шкасто тейни заявкат аволь исправной вагонтнень отцепканть коряс ды макси паро, анок поездт. Депоень дежурноеь Киреев ялгась поездтнень весе паровозтнень макси точно расписаниянть коряс.

Петров,

Узелонь парткомонь секретарь.



Комсомольской газетатнень лемсэ кроссонтень

Овси аламо шка кадовсь комсомольской газетатнень лемсэ массовой кроссонть ушодоманть самс. Комсомольской организациятнень эрвыи кеместэ кундамс сонзэ ютавтомантень анокстамо. Покш мель эрвыи явомс тренировкатнень. Штобу при-мемс участия кроссонть, эрва комсомолецсь должен обязательна ютамс теде икеле тренировка. Тренировканть эрвыи ютавтомс десяткатнэсэ командиртнень руководстваст коряс.

Комсомольской газетатнень лемсэ кроссось призванной пурнамс од ломанень келей массатнень чийнеме естественной условиятнэсэ. Тень сех покш значениязо велетнень. Велень комсомольской организациятне должны седе смелстэ таргамс соревнованиятнес колхозонь аволь союзной од ломатнень.

Теке марто вейсэ эрвыи яволявтомс решительной бороцямо штурмовщинанть каршо, кампанейщинанть каршо. Гимнастической соревнованиятнень опытезь невтизе, што кой-косо комсомолецтэ беряньстэ, капиавтозь анокстазь листь стартс.

Курок кроссось! Комсомолецт ды од ломать, шкань атак сацтне кундадо сынест анокстамо! Лиседе паксянь ки лангс, парконь аллеятнэс, вирень полянатнэс! Тренируйтесь ды тренируйтесь, штобу сыця соревнованиятнэсэ достойна ванставлилк эсенк организациянть честензэ.

ВЛКСМ-нь ЦК-со

Зарья школосо комсомолецтне ды пионертне пек перегруженной эрва кодамо общественной поручениясо, конат беряньстэ отражаются школьниктнень успеваемостест ды шумбрачистлангс. Зарья тонавтницят сехте ламо шкаст ютавтнить заседаниятнэс, собраниятнэс, совещаниятнэс, тонавтнить зарья общественной порученият.

Те вопросось неть читнестэ толкова-зель ВЛКСМ-нь ЦК-со. Эсь постановле-ниясонзо ВЛКСМ-нь ЦК-сь мерсь ком-

сомольской организациятнень решительна аламогавтомс комсомольской ды пионерской организациятнэсэ эрва ко-дат собраниятнень ды заседаниятнень количестванть. Май ковстонть саезь тонавтнема иенть прядовомазонзо запрещено ютавтнеме школосо олимпиадат, смотрат, эрва кодат спортивной сорев-нованият, конференцият, секс, што ве-се неть мероприятиятне школьниктнень сезнить испытаниятнень анокстамонть эйстэ. (ТАСС).

Честной роботань результат

Кочкуровской райононь «Темны» совхозсонть касть пек вадря дояркат-стахановкат, конат парсте аравтызь скалтань мельга уходонть. Тень ку-валт сын кварталсто кварталс, ковсто ковс велькеса топавтыть ловцонь по-тывтома планонтэ.

XVIII-це Всесоюзной партконферен-циянт лемсэ социалистической сорев-нованиянть вельде 1-це кварталсто лов-цонь потывтома планось топавтозь 128,1 проценте, дояркатне Мыркина ды Шинкарева планост топавтызь ма-

лав 150 проценте.

Предмайской соревнованиясонть сынъ сайнест обязательстват од показате-льсэ вастомс маень 1-це чинть. Эсь обя-зательстваст сын топавтызь велькеса. Апрельень 28-це чинть самс целанек фермась ковонь планонзо топавтызе 148 проценте. Шинкарева дояркасэ ловсонь потывтома планонтэ топавтызе 181 проценте, потавтысь 3.250 литра, Николаева—158 проценте, Мыркина—158 проценте. Вадря показателть тейсть лия дояркатнеяк. П. Кавкайин.

ТАСС-нтъ опровержениязо

Японской газетатне публиковать Нью-Йорксто Домей Цусин агентстванть сообщениязо, конаньсэ ёвтась, што Вишнста Юнайтед Пресс агентстванъ корреспондентанть телеграммязо коряс, Советской Союзосъ пурны покш военной виить западной границатненъ лангсо. Московсо дипломатической кругтне, являвтни агентствасъ, истяжо невтнать, што западной границатненъ лангсо войскактненъ пурнамось моли пек покш масштабсо. Тень кувалма лоткавтозъ Сибирской чугуноканъ княвантъ пассажирской движениязъ, секс што Дальней Востоксто войскактне кучневить, секте пек, западной границатненень. Средней Азиясто тов истяжо кучовить покш военной виить. Кавто запасной воздушной армиятнестэ, конат аштитъ Верховной командованиязъ непосредственной распоряжениясонзо, вейке армиясь уш максозъ Киевской особой военной округонть распоряженияс. Сонзэ эйсэ 1.800 бомбардировщикъ ды 900 истребитель. Черной ды Каспийской морятнестэ виегавтозъ военно-морской флотнэ Балтийской флотнэ военной корабляктненъ счетс. Пачтязъ 28 подводной лодка, 45 миноносца ды 18 канонерка. Кузнецов марто прывтсо военной миссиясь тусь Московсто Тегеранов. Миссиянтъ назначениязо, теишкитни агентствасъ, сюлмавозь Иранонъ центральной ды западной пелькстнестэ Советской Союзонтень аэродромтненъ максомодо вопросонть марто.

ТАСС-нтень максозъ полномочия являвтомс, што Домей Цусинантъ те подозрительной пижнеманъ сообщениязъ, кона сазы Юнайтед Пресс агентстванъ апак сода корреспондентанть пельде, ашти сонзэ авторонть аволь шумбра фантазиязо плодокс. Кузнецов ялгась эри Московсо, но аволь Тегерансо, кодаткак подводной лодкат или миноносца Балтфлотонъ районстонть апак кучо ды а кучневить Каспийской или Черной моряс. Кодамояк «покш военной виить пурнамо» СССР-нъ западной границатнестэ арась ды а арескшникъ. Аламешка правдасъ, кона ули Домей Цусинантъ сообщениязонзо, кона теке-нень жо пачтязъ пек грубойста колазъ ладсо, ашти сеньсэ, што Иркутской районстонть ютавтови Новосибирской райононтень—Новосибирскойсэ седе вадра квартирной условияктненъ кувалма—вейке стрелковой дивизия. Весе остаткась Домей Цусинантъ сообщениязонзо—сплошной фантастика.

Границанъ томбале СССР-нъ дипломатической представительтненъ туртов рангтненъ аравтомась

СССР-нъ Верховной Советанъ Президиумось теишъ постановления аравтомс СССР-нъ дипломатической представительтненъ туртов, конат аккредитовать иностранной правительстванесэ, рангт: Чрезвычайной ды Полномочной Посолонъ, Чрезвычайной ды Полномочной Посланниконъ, Тевтнесэ Поверенноень.

(ТАСС).

Отвечить „Свобода“ колхозонъ комсомолецтнень сёрмаст лангс

Ичалковской райононъ средней школы тонавтниятне толковизъ Ромодановской райононъ «Свобода» колхозонъ комсомолецтнень сёрмаст велесэ културанъ кис бородамодо. Сынъ принасть решения лездеам эсест колхозонтень садонъ озавтнемасо. Эрва тонавтниятнесь максы вал эсь пирезаст озавтнемс 5—6 умарь чувто.

Аволь умок те сёрмасъ ули толковазъ Каганович ды Ленин лемсэ колхозной комсомольской организациитнесэ.



Школатнесэ ушодовсь проверочной испытанияктненень анокстамось. СНИМКАСОНТЬ: Посопской средней школы школанъ (Саранской район) химиянъ коряс преподавателесъ Е. Ф. Учаева толкови ютавикс материалонть 7-це «А» классонъ тонавтниятненъ М. Пескованень.

Фотосъ К. Касперанъ.

Испытанияктненень анокстамось

Чукало велень средней школысо келейста моли испытанияктненень анокстамось. Тонавтниятненень толковазъ испытанияктненъ коряс инструкциясь. Учителствне ютавтитъ дополнительной занятия ды консультации.

Педагогической совещаниясо толковазель вопрос испытанияктненень биле-

танъ анокстамодонть. Билетнэ анокстазь уш эрва предметанть коряс. Учебной частень заведующеесь О. Хабирова ялгась теишъ испытанияктненъ ютавтоманъ расписания.

Н. Базайкин.

Ардатовской р-н.

ЭРСИТЬ КОНСУЛЬТАЦИАТ

Курок ушодовить испытанияктне. Минь, покш Маризъ велень тонавтнияттне, анокстатано сенень, штобу испытанияктненъ максомс парсте ды отлучно. Лездатано вейкенек-вейкенек туртов. Повторим ютазь материалонть.

Учителствне эрва чистэ урокто мейле ютавтитъ консультации, лездать седе парсте усвоить весе материалонть, толковать стака, а чарькодевикс вопростнень.

П. Букин.

Чамзинской район.

Антирелигиозной вечер

Ст. Михайловской средней школы старшей класктненъ тонавтнияттне аволь умок ютавтсть антирелигиозной вечер, конаньсэ ульнесъ 70 ломанъ.

10-це классонъ тонавтнияттне И. Захаров теишъ доклад религиозной праздниктненъ происхождениядонть ды сынт

классовой сущносттень.

Почтовой агентсэ Д. И. Каляпин ялгась эйкакштненень ёвтнесъ седе, кода икеле поитне сынт одурманивали религиясонть.

И. Чернов.

Ромодановской р-н.

Школатненъ перька путтано чувтт ды цецят

Весе минек масторонть-келес моли пионерктненъ ды школьниктненъ движениа сенъ коряс, штобу школатненъ перька, улыцава путнемс чувтт, декоративно-кустарниковой растеният ды цецят. Те движениянтъ ушодызь Таджикистанонъ пионерктне. Сынъ тердетъ сенень, штобу весе минек масторонть мазылгавтомс эйкакштненъ путовт-кастовт садсо. Таджикской пионерктненъ инициативаст подхватили минек масторонъ весе пионерктне, эйкакштне, школьниктне.

Пионерктненъ Московской кудонъ юной ботаниктне Московонтъ туртов кастыть цветочной росада.

Минек республиканъ ламо пионерт ды школьникт кундасть эсь школатненъ озеленениянтъ коряс роботас, школатненъ перька садонъ путомо-кастомо.

Чамзинской средней школы пионерктне ды школьниктне 1940 иень сёксня путть садодо ламо декоративно-кустарниковой растеният эсест школатненъ перька.

Саранской райононъ Посоп велень средней школы юной натуралистнэ эсест школантъ вакс теишъ плодово-ягодной питомник. Истяжо, кода ютась иене, сынъ кастыть цветочной росада, мейле цецятненъ путнесызъ цветниктненъ, конанъ сёксня теишъ школантъ

икелев. Цецянъ кастоманъ ды школантъ перька цецянъ путнеманъ коряс сынт кружокось максы заявления 1941 иестэ Велень хозяйстванъ Всесоюзной выставкасонтъ участиянъ права лангс.

Школантъ озеленениянтень анокстамонъ ды плодоягодной питомникенъ теамантъ коряс роботас а беряньста моли Рыбкинской райононъ Мамолаевской средней школысо. Анокстазь умарень ды грушанъ видметъ, кармасть уш тееме сынт стратификациянтъ, анокстазь чукшторонъ тарадт. Выращивается цветочной росада. Весе те работасонть активной участия примакшныть IX-це классонъ тонавтнияттне И. Дорожкин, А. Болобенков ды П. Болобенков.

Цветочной росада теишъ Саранск ошонъ 12-це № школы юной натуралистнэ. Сынъ эсь школысо организовить цветник. 80 эйкакш участвуют цветочной росаданъ кастоме тевсэнтъ. Тень коряс секте активныкс лововить 5—6-це классонъ тонавтнияттне Мурашкинцев, Каменьщикова, Коренова ды Медникова. Школасонть росада путозь уш 20 ящик.

Тундонъ шкастонть эрва пионерантень ды школьниктненъ, испытанияктненъ отличнасто максомантъ кис бороцязъ, эрви ютко шкасто саемс койме, грабли ды гармакс пришкольной уча-

Майдан велень комсомолецтнэ роботыть беряньста

Майданонъ комсомольской организации ашти ве ёно поселоконтъ весе общественно-хозяйственной ды культурной эрмонзо эйста. Кодамо вопрос иля сае, сонзэ решамосонзо комсомолецтнэ а примакшныть кодамояк участия.

Сонсь комсомольской организациянъ секретаресъ ловови еще клубонъ заведующеекс. Клубсонть кодамояк работа а вети. Эсензэ тевекс лови ансяк сенъ, штобу книгатненъ «ванстомс», секс, кие бу аволь моле книга мельга,—сон а максы. Клубонтень якияткак арась.

Поселкасонть улить 43 неграмотной ды малограмотной ломать. Комсомольской собраниясо толковазель сынт тонавтомодо вопроссь. Сёрмадозель решенияк. В. Учайкин ялгась максы «кеме» вал, што Маень 1-це чинть самс неграмотностень ды малограмотностень ликвидациясь карми улеме прядозь. Но вана ютась уш Маень 1-це чиськак, комсомольской собраниянъ решениясь жо апак тонавто. Комсомолецтнэ эзизъ ушодокшнояк неграмотнойтненъ ды малограмотнойтненъ тонавтоманть.

Стувтнекшнесынзэ Учайкин ялгась эсь решенияктненъ, а бороци сынт тонавтомантъ кис. Секс улить ламо примерт, зардо комсомолецтнэ безответственно относятся сынест максозъ порученияктненъ тонавтомантень.

Канаев ялгантъ ульнесъ максозъ поручения: организовамс комсомолецтнэ ды од ломатненъ ютксо военно-физкультурной роботантъ. Решазель организовамс Осоавиахимень организация, тонавтемс винтовкантъ ды противогазонть, эрва недляне ютавтемс 2—3 занятия. Канаев ялгась максокшносъ вал тонавтомс те тевентъ. Ансяк сон стувтынзэ эсензэ валтнень, стувтынзэ собраниянъ решениянтъ ды мезе-як эзь тее. Военно-физкультурной работа Майдансо арась натой призывниктненъ ютксоак.

Ламо истят примертнде, конат кортыть комсомольской организациянтъ берянь роботадонзо. Ды тесэ ламодо чу-мо Учайкин ялгась. Эзь машто сон комсомолецтнэ мобилизовамс активной роботас.

И. Юртайкин, Н. Светкин.

Кочкуровской р-н.

сткасо роботамо. Бути эрва пионерсэ, школьниксэ путы котъ вейке чувто или ягодной вейке куст, кемешка цецят, сестэ зардо чувтт появить минек школатненъ перька, улыцавцева, кудотненъ икельга.

10 пионерт ды школьникт, конат сех активной участия примить озеленениянъ ютавтомасонть (кить сех ламо эйкакшт таргить те тевентень, кие сех парсте содасы растениятненъ эрмост, кие машты растениятненъ содамс сынт внешней признакокт коряс, кие физически закален походной эрмонтень)—кармить улеме терлезъ Московов, сынъ молишъ кинатонъ покш экспедиция, конанъ организовасы СССР-нъ Наркомземсэ—дикой плодовой ды ягодной питней растениянъ вешнеманъ ды сынт видменъ пурнамонъ коряс.

Эйкакшт, бороподо сенъ кис, штобу тынк школанъ ваяволь садс ды цецяс. Тедэ башка эрва пионерантень эрви путоме цецят, чувтт, плодово-ягодной растеният эсь кудо икелев, кардазс. Весе сынт кастомс ды ванстомс, а кадомс ёмамо.

Эрва районсонть эрви организовамс школатненъ ды пионерской отрядтнэ ютксо социалистической соревнования озеленениянъ коряс роботантъ сех парсте ютавтоманзо кис.

Д. Григорьев,

Юной техниктненъ ды натуралистнэ республиканской станциянъ агроном.

Алексей Лукъянов.

КАТЯНЬ ОД ПОРАЗО

...Ней уш покш Катя. Озорной тейтерь!
Рунгозо примась покш ломанень сэр.
Виде касмова черензэ судрызь,
Кавто лавтовга пулонзэ полдазь,
Пулонзэ полдазь—котава кодазь.

Эсензэ викшневь руця-паласо
Виде килеень рунгозо школязь.
Эсензэ кодавт семиричкасо
Скалкакс пильгензэ Катянь нарязажь.

Сонзэ мазыденть, мазычидензэ
Васолга кулясь срадсь веле ушов,
Веле ушова, тундонь паксыва...
Яганзо ютксто Катя содави,
Тейтертне ютксто наян редяви
И морамосо, и киштемасо,
Чиденть валдосто мызолдамосо.

Веле юткова, улыцава юты—
Од цёрань седейть зяро калавты,
Зяронь удомат сон а явятни!
Тенень цюдави—онсто неяви,
Тонанень полакс бую маряви.
Ды кармасть цёрат алкукс арсеме,
Весе думазевсть сын урваксеме.

Тетяст икеле цёрат энялдыть,
Аваст икеле алят сямордыть.
Те Катянь сая, тонаськак Катянь.
Покш кудат вешнись, покш кудат
кучить,
Покш кудат якить—Катянь чиявтыть,
Катянь тетяно пешкедемс симдиль...

Ансяк а сынест Катя чиямка,
Ансяк а сынест Катя саямка.
Сонзэ мелензэ, сонзэ превензэ,
Сонзэ седеесь ды арсеаманзэ
Лиянь кувалма, лиянень алтазь,
Конадо кияк мик эзь думсеяк,
Кона киньгак превс эзь сакшнояк...

Вай, неекшнлизе Катя се алянтъ,
Вай, редякшнлизе сон дока цёрантъ
Маснициянь чиста, велень улыцясто.
Вай, неекшнлизе седе мейлеяк
Чокшнень улыцясто, цёранъ кужосто,
Ды а вестъ исти сон некшнлизе...

Местъ бу якамка се цёрантенгак
Ломанъ велева, ломанъ улыцява?
Мейсь бу калавнемс эсь мазычись,
Эсь докачись тейтерень седей?

Ней прок нарошной:
Эрва недлясто, сон недлячиста
Минька марто сон улыцяв лиснекшни,
Тейтерень кужос цёра яксекшни,
Вейсэнъ налксемат цёра налксекшни.
Или Катяньгак цёрась редизе,
Весеменъ ютксто алясь явтызе,
Седеензэ вакс цёрась путызе?
Бути истия—лиамскак а местъ.
Эсь коряваст сын од пора чисасть,
Од пора чисасть, наян мазысаст.
Бути истия—истя улезь,
Сынест мелест коряс эно лисезэ...

Тундонъ лембе чить ушосо аштить,
Горнипов цепаь лугасо цветить.
Вирьсэ гайть моли, вирьсэ жой моры.
Пижелды пакся видеь сюросо,
Ожолды пире цвети эмежсэ,
Эвети эмежсэ, аванъ видеьтсэ.

Ансяк а цвети минек Катине,
А мызолды сон прок мако прине.
Тейтерень кужо ней Катявтомо,
Тейтерень чокшне ней моровтомо...

Вай, марясь Катя а паро куля,
А паро куля—кельме калмошка:
Чиявтызь Катянь сюпав дованень,
Сюпав дованень—Карпа ломанень.

Маштокшнось Катянь ломанъ ёжозо,
Човоргадсь Катянь присо превензэ,—
Ды каднзэ сон весе тевензэ,
Весе тевензэ ёртокшнлизе сон.

Нуварьгадсь килейкс сонзэ рунгозо,
Сёксьте нуемань сонзэ тундозо:
А радовавтыть луганъ цепаьтне,
А весёлгавтыть чокшнень моротне.

Эрзянь поэтэсь А. Лукъянов сёрмадсь од поэма
„Ладямо“. Минь тесэ печататано поэмастонть глава
героинянтъ пельс уроз тейтерентъ Катянь од по-
радонзо.

Целанек поэмась ули печатазь „Сятко“ журнал-
сонть.

Зяроце уш чи сонзэ черензэ
Апак судрякшно, апак кодакшно,
Зяроце уш ве сонзэ тарказо
Апак витекшне, апак ацакшно.
Кадозь тевензэ апак пурнакшно,
Аштень чокшненьзэ апак удокшно...

Велень тейтертне, велень цёратне,
Велень оятне—Катянь яганзо—
Марякшнось весе Катянь горядо,
Куви марякшнось, сия арсезевсть,
Аштинъ чокшнес мик цёрат думазевсть,
Катянь идеме весе пурнакшнось.

Весеньде мейле Минька паралась
Весень марямга истят валт ёвтась:

«Тейтересь пек жаль, цёраськак тенъ
жалъ,
Жаль рузонъ цёрась, вельть вадра
ялгась,

Кона тейтерентъ пек вечкекшнлизе,
Зяро юткстонок сон неекшнлизе.
Ужда, ялгат, думатан, оят.
Дайте кучсынек Катянь яганзо,
Катянь яганзо Огра тейтерентъ,
Кадык кевксьсы сон Катянь мелензэ,
Кадык оймавты сон седеензэ.
Бути ули жо сонзэ мелезэ
Рузонъ цёрантенъ полакс молема,
Сестэ тейдяно тев минъ истямо:
Аштинъ чокшнестэ, ладязь чокшнестэ
Окольця лангов тройка аравтан
Ды идесынек Катянь оймензэ.

Тон азё, Огра, чийтя Катяненъ,
Моньс валске молян велень атяненъ
Превень кевкстеме, мелень вешнемс...

* * *

Калдорды човар, петъкельди човар,
Човаронтъ ало модаськак лымби,
Кальста плетеньдызь кудыкелькс сорны.
Прок мерят сёсна каворькс киява
Чаво риндасо покш вирьга ардыть.
Оно коданя човар петъкельди,
Велень сыр атянтъ кудыкельксензэ!

Думазевсь Минька кудонтъ вакс молезь:
Кода вастасы велень сыр атясь,
Велень сыр атясь тевень теестэ?
А шкасто сават—ломанъ ильвентят,
А шкасто пшкадят—ломанъ кеж сават
Ды арсезь тевентъ весе коласак.

Кардазов совазь, Минька неизе—
Кудыкелькс кенкшесь келес панжадо.
Киякс куншкосо човар петъкельди.
Сонсь велень атясь ямкстэнъ пенъгеди.

Кувани совазь, Минька сюконясь,
Кува сюконясь, мукорь лангс озась.

Лоткакшнось атя пенъгедемадо:
«Вай, нишке-пазонъ кучовт тон ломанъ.
Ярьга оймавтыть кеден-пакарен,
Ярьга вачкоття од цёранъ виьсэть,
Од цёранъ виьсэть, эсь докачисэть».
Цёранень теке самай эрявськак,
Атянтъ мелензэ коряс годявськак...
Таго калдорды, човар петъкельди.
Перька плетеньсэ седеяк сорны.
Сёвонесь модае натой певери...
«Олгонъ сталмошка, покштяй,
петъкелесь»,—

Прядома малав Минька мерекшнесь.

Велень атянок, превс путыцянок
Пасибат ёвты, мелензэ пешти.
Од цёрантъ кедте кудос саваты,
Кудос саваты, эземс озавты.

«Местъ якат, цёра, атянь кудова,
Атянь кудова, рана порава.

Или таго менъ берянь теевкшнесь?
Ёвтнек, мезде тонъ пилеть марякшнось,
Пилеть марякшнось, сельметъ
неекшнесь.
Мейсэ оймавсак атянь седем.
Ды кенярдовтсак тон мелем-превем?»

Вай, ушодокшнось Минька кортамо,
Арсезь тевензэ кармась ёвтамо.
Зяро мерекшнесь Катянь кувалма,
Зяро лещиге рузонъ од цёрантъ,—
Козкстазевсь покштысь, яходсь
кедсэньзэ,
«Ушка аламос»,—атясь мерекшнесь,
Ды столентъ эхштэ покштысь
лисекшнесь.

«Кодак, цёрам, превс а сави,
Мезе думиде, мезе арсиде.
Эзть эрсе эрзят, эрзянь од тейтерть
Руз цёранъ полакс, рузонъ козейкак.
Эзть яксе эрзят руз велев свадьбас,
Тейтеръ максомо, вианъ симеме.

Сядоце ие мон светсэнтъ эрян,
Ансяк истят тевть, цёрам, а содан,
А содан, цёрам, превтъяк а максан»...

Зяро ёвтынзе нетъ меельц валтнень
Велень сыр атясь, превень максысь,
Минька пульзакшнось сонзэ икелев,
Од цёра прясо Минька сюконясь.

«Простямак, покштяй, грех
совавтытинъ,
Ансяк кунсолыть еще нетъ валон:
Кудаж паксысо ве ки улосто
Колмо кить туить колмо масторов.

Ки а пачкоди се ки улонтень,—
Се арсезеви: ков тензэ туемс,
Ков туемс-молема, ков кинзэ кирдемс?

Нетъ колмо китне, кунсоломака,
Вана кодамо масторов ветить:
Вить киявантъ туят—понгат степъ
куншкас,
Косо а чачни суро норовосъ,

Кува а чуди кельме ведъ леесь,
А морыть тосо вирень нармутне,
А чийнить тува вирень звернетне.
Тосо ломанень, покштяй, куломка,
Тов туицяненъ, покштяй, ёмамка.

Кунчка киявантъ бути туеви
Уцясканъ вешни пиштыка ломанъ,—
Мекев велявтомс кись а муеви
Ды коськи тозонъ прок палозь
палманъ.

Уш бути сырги керш киявантъ
ломанъ,
Бути туеви сон керш киявантъ,—

Ули уцяскав сон пингензэ перть,
Сон пингензэ перть ули счастливой.
Те керш кись сонзэ пачтысь од
масторс,
Косо тельняк садсо умартне

Касыть-келерить ды одов цветить,
Косо иень перть мекшне медь кандыть,
Сюронъ чачомат косо колмондыть.
Тосонъ эрийтне а содыть нуза,

Мастор кирдитне а кандыть горя,
Коли сюрост сынест певтеме моря,
Менельстэ менельс моранъ келешка.
Народось тосо инжень вастыця,

Нуза ломанень кедень венстицят,
Уцяскавтомнень седей марицят...
Еще кунсолок, минек покштынок,
Минек покштынок—превс путыцянок,

Мезень ёвтакшнень мон тетъ не
валтнень,
Мезень лещига Кудажонъ паксянтъ.
Вить кинентъ песэ се чаво паксысь—
Катянь уцяскась Карпатянь кедсэ.

Куншка кинть песэ коське палманесь—
А эсь мелнесэ полакс улемась.
Керш кинентъ песэ цвети масторсь,
Инжень вечкиця тосонъ народось—

Те самай ули Катянь уцяскась,
Те ули самай тосонъ счасиясь...
Кучынек ломанъ Катянь кевкстеме,
Сонзэ мелензэ, покштяй, содамо,—

Радовамонъ пачк Катя аварьгадсь,
Кенярдоманъ пачк тейтеръ ниреждевсь.
Сон вечксы цёрантъ, рузонъ се алянтъ
Палы седейсэ, од ломанъ мельсэ...

Цёрантъ кувалма а местъ кортамскак:
Редизе Катянь васень неевтысьтэ,
Вечкиця Катянь васень вановтсто.
Ансяк сондензэ кортамот корты,
Катянь кувалма арсемат арси.

Ней прядовсть валон, покштяй,
кортамон.
Арсика ней тонсь ломанъ уцяскантъ,
Ломанъ уцяскантъ, пингень
печтеманть...

Стакасто укстась велень сыр атясь.
Таго озакшнось, таго мекев стясь.
Таго думазевсь, таго арсезевсь,
Ды кувакасто атя укстазевсь.

Сядоце ие тензэ молекшнесь,
Сядоце ие уш топодекшнесь,—
Истят тевть атя сон эзь марсекшне,
Истямо тевде сон эзь арсекшне.

Рузнень эзь максне сон эрзянь
тейтерть,
Истя вечкиця эзь марсе седейть.
Стакасто атя натой думакшнось
Ды истямо мельс покштынок сакшнось:

«Тейтеръ саламось, цёрам, а од тев,
А эрявияк тенень ламо прев.
Оно мезень кис седем ризны,
Оно мезень кис сон монъ мелявты:

Мирякшнынек минъ руз народ марто,
Ладякшнынек минъ руз ломанъ марто.
Целян, од цёрат, ладось калады,
Целян, од ломать, миресь лондады.
Саламонъ тевтне, кунсолок цёрам,
Пек уш беряньстэ сынъ

прядовокшнись.
Туремат эрсить саланъ тейтеръ кис,
Пожарткак тейнитъ кежень пандомсто.
Ды ки содасы мезень а парос
Те ветясамизь, те пачтасамизь...
Катя мазыкантъ, весень содамга,
Куроксто сайсы Карпа азорось,
Куроксто сайсы—свадьбас аноксты...
Бути алкукс тев, цёрат, арседе,
Бути арсезь тевс, алят, кундыде,
Ды а паросо сон а прядови,—
Сестэ улезэ тынк меленк коряс,
Мезесь сась, алят, тынк од цёранъ
пряс.

Монъ а содамга, монъ а марямга
Ушодынк-теинк, паросо прядынк».

Тесэ лотказевсть атянтъ валонзо,
Тенсьэ прядынзе сон кортамонзо...
Сядоце ие атя эрякшнось,
Сядоце ие тензэ топодьшнесь,—
Максозь валонзо эссе полавтне,
Максозь валонзо сон топавтнлизе,
Сон топавтнлизе—печ пачтилизе.

Ней лиякс атя течи думакшнось,
Лия превнесэ атя арсекшнось,
Ды баславинзе велень цёратнень
Рузонъ велесэ свадьбанъ тееме,
Руз народ марто роднякс улема.
Ансяк Карпанень теде а содамс,
Ансяк сонензэ теде а марямс,
Куш Катя тензэ умок алтазель,
Куш атянтъ пингстэ тейтеръ ладязель
Ды пуресь-братась умок симезель.

СОВЕТСКОЙ СОЮЗГА

Зерно-бобовой культуратненъ лангс анокстамонъ питнетнеде

СССР-нь Шаркомзагонть те иень апрелень 26-це чинь приказсонзо 1941 местанть саясь аравтозъ анокстамонъ истят государственной питнеть зерно-бобовой культуратненъ лангс (кнава, чичавка, фасоль, нут, чина, конской бобат ды маш):

рядовой, тарелочной чичавканть лангс—20 целковой, вишка зерна чичавканть лангс—12 целковой центнеранть кис;

ашо, пиже, тужа ксавонть лангс—16 целковой 10 трёшник, серой ксавонть лангс—10 целковой 50 трёшник, нутонть ды машонть лангс—16 целковой 50 трёшник, чинанть лангс—12 целковой центнеранть кис;

паксянь рядовой фасолень ды паксянь продовольственной бобатненъ лангс, конат вейкетъ цветэст коряс—20 целковой центнеранть кис, цветанъ коряс фасолень смесентъ кис жо—15 целковой центнеранть кис;

конской бобатненъ лангс—13 целковой центнеранть кис.

Колхозтнэненъ меревн максемс зерно-бобовой культурат обязательной поставканъ ды МТС-нь роботатненъ кис натуроплатанъ порядоксонть зерновой культуратненъ таркас эквивалентанъ коряс:

40 фунт тарелочной чичавка, ашо, пиже, тужа ксав, нут, маш ды фасоль—товзюронъ 60 фунтнэнь, розень 70 фунтнэнь или лия зерновой культуранъ 80 фунтнэнь кис;

40 фунт вишка видмекс чичавка, серой ксав, чина ды конской бобат—товзюронъ 40 фунтнэнь, розень 45 фунтнэнь или лия зерновой культуранъ 47 фунтнэнь кис.

(ТАСС).

„СССР Н—169“

самолетось—

Архангельскойсэ

Маень 9-це чистэ колмо чассто чить Архангельской аэродромонть благополучнойсэ валгсь «СССР Н—169» самолётссь. Воздушной кораблянь командиранть И. П. Черевичной яланть ды сонзэ спутниктнэнь, конат тейсть смелой рейс Арктиканъ сарей широтатнес, псисэ приветствовизь местной партийной ды советской организацианъ руководителнэ, центральной ды областной печатень представительтнэ.

«СССР Н—169» самолётонъ экипажось колмокось ульнесь Центральной Арктиканъ восточной секторонъ теде икеле апак исследова районсонть дрейфовица эйтнень лангсо.

Дрейфовица эйтнень лангс самолётонъ валгонематне макссть топавтомс научной роботанъ цела комплекс. Наблюдениятнэнь целекс, конатнень ютавтнэзе Северной Ледовитой океанонъ сарей широтатнес воздушной кораблянь коллективссь, ашти решаме общей задачанть, конанъ полярниктнэнь икелев аравтызь партияс ды правительствась Северной морской кинть нормальна действовица водной магистралекс теемадонзо.

(ТАСС).



Б. Березниковской МТС-нь трактористэс Дудоров ялгась «СТЗ—Нати» газогенераторной тракторсонть види сменазонзо 18 гектар.
СНИМКАСОНТЬ: Дудоров яланть агрегатозо. Овалсонть Дудоров ялгась.

„Большевик“ колхозонть паксясо

Косогор велень «Большевик» колхозонъ паксятнесэ келейстэ молитъ тунда видеманъ коряс роботатне. Колхозниктне борошть сень кис, штобу тунда видеманъ прыдомс нурька шкас ды паро качества марто. Теве нолдтнть весе возможностнень, конатне способствують паксясо роботатненъ успешнасто ютавтомантень.

Весе роботатнесэ, сокамсто, видимсэ, изамсто весе колхозниктне топавтнть ды вельска топавтнть выработканъ норматнень.

Видеманъ коряс роботатненъ ютавтоманть кувалт колхозось райосонть ловови икеле молицякс.

Д. Барсуков.

Б.-Березниковской р-н.

Г р а н и ц а н ь т о м б а л е

Европасо, Африкасо ды Азиясо войнась

(Маень 9-це чистэ военной действиятнень дневник)

Германской информациионной бюрось пачти, што маень 9-це чинть каршо вестанть германской авиациясь атаковизе Гуль английской портонть. Доктнесэ, складтнесэ ды зернохранилищатнесэ теевть пожарт. Бомбардировав истя жо Центральной ды Южной Англиасо портовой сооружениятне ды промышленной предприятиятне. Англиянт перька ведтнесэ германской вооруженной вийтне ваявтсь вейке английской пароход ды виевстэ коласть кото лия суднат.

Секе жо вестанть, пачти Рейтер агентствась, пек ламо английской самолетнэ тейсть валет Германиянь зярря районтианъ лангс, тень ютксо Гамбургонть ды Бременанть лангс. Германской сообщениятнесэ невтневи, што теезь калавтомат кой-кона промышленной предприятиятнесэ. Башка английской самолетнэ, Берлинанть вакса ютазь, пачкоolestь Познанской областень территориянтень.

Покш активность невти воевица мастортнэнь авиациясь Средиземной морянь бассейнасонть. Итальянской командованиянт сводкасонзо невтневи, што маень 8-це чистэ итальянской самолетнэ—торпедоносцтнэ Средиземной морянь западной пельксэнт атаковизь

английской суднанъ караванонть, конанъ конвоировать кавто линкорт, вейке авианосец ды зярря крейсерт ды миноносент. Торпедировав кавто крейсерт, вейке эсминец ды вейке пароход, колазь вейке линкор, авианосец ды кавто пароходт. Эгейской морясонть итальянецтнэнь морской ды пехотной частне саньз Самос ды Фурни греческой островтнень.

Германо-итальянской авиациясь тейсь налет Суэцкой каналонть лангс.

Тобруконъ районсонть (Северной Африка) моли артиллерийской леднема.

Абиссиниясо ветяви борошнямо Амбалага пунктонть вакссо (Аддис-Абебанть эйстэ север ёно). Английской частне сайсть од позицият.

Ираксо военной действиятне молитъ Бафра ошонъ ды Хаббания аэродромонъ районтнесэ. Бафрасо, ёвтазь Рейтер агентстванть сообщениясонзо, английской войскактне сайсть зярря зданят, тень ютксо банктнэнь ды телеграфонть, вастсь тень пингстэ иракской частнень ансяк аволь покш сопротивлениа. Хаббаниянь районсонть—положениясь эзь лиякстемо. Английской самолётнэ бомбардировизь Ираконъ столицанть—Багдадонъ аэропортонть.

(ТАСС).

ФРАНЦИЯНТЬ ДЫ ТАИНТЬ ЮТКСО МИРНОЙ ДОГОВОРОНТЬ СЕРМАДОМАСЬ

Кода пачти Домей Пусинагентствась, маень 9-це чистэ ульнесь официална сёрмадозь мирной договор Франциянт ды Таинть ютксо Таинть ды Французской Индо-Китаенть ютксо конфликтанть регулировамонзо. Договорсонть аравтоз максомс Таинть Индо-Китаенть территориянтень—Паклай ды Басак округтнэнь, ды истяжо Камбоджинть седе покш пельксэньзэ.

Теке марто ве шкасто Япониясь ды Франциясь, ды истяжо Япониясь ды Таись сёрмадсть протоколт гарантия-

донть ды политической взаимопониманиядонть. Протоколонт коряс, конанъ сёрмадыз Япониясь ды Франциясь, Япониясь гарантирови Таинть ды Францианть ютксо споронт решамонь окончательной характерэнзэ; Франциясь обязуется аравтомс дружественной ды добрососедской отношения Япониянт ды Французской Индо-Китаенть марто.

Протоколось, конанъ сёрмадыз Япониясь ды Таись, содержаниянзо коряс целавек японо-французской протоколонт кондамо.

(ТАСС).

ВКП(б)-нь историянь тонавтнициятнэненъ лекция

Неть читнестэ Алова велень средней школанъ учительтнэненъ, конат самостоятельна тонавтнть «ВКП(б)-нь историянь краткой курсонть», ловнозель лекция: «Основные черты марксистско-ленинского диалектического метода».

Лекциянт ловнызе Атяшевской райононъ парткабинетанъ заведующеесь Кичаев ялгась. Учительтне лекциянт кунцолызь покш внимания марто. Кичаев яланть максокшность зярря вопрост, конатнень лангс получасть чарькодевике ответт.

В. Начарини.

ОСОАВИАХИМЕНЬ XV-це ЛОТЕРЕЯНЬ БИЛЕТНЭНЬ РЕАЛИЗАЦИЯСЬ

Успешнасто моли Осоавиахимень XV-це лотереянъ билетванъ реализациясь Алова велень школасонть. Васень читнестэ уш подписканъ суммась пачкодекшнесэ 720 целковойс.

Учительтне подписываются 30—40 целковойс эрьвас. X-це классонъ 19 тонавтнициятне лотерейной билетт сайсть 48 целковой лангс, сынст эйстэ а кадокшныть лия классонъ тонавтнициятнеяк.

Осоавиахимень XV-це лотереянъ билетнэнь реализациясь школасонть моли нейгак.

Н. Васильев.

Атяшевской р-н.

АМЕРИКАНСКОЙ ВОЕННО-МОРСКОЙ ФЛОТОНТЬ ПОКШОЛГАВТОМАЗО

Юнайтед Пресс агентстванть сообщенианзо коряс, США нь представительтнэнь палатанъ военно-морской тевтнень коряс комиссиясь одобрил законопроектанть, кона максни военно-морской флотонть права рамаме 58 од вспомогательной суднат. Военно-морской флотонъ представителесь Робинзон адмиралось комиссиянь заседаниясонть являютсь, што флотось арси используемс кой-кона иностранной торговой суднатнень, бути конгрессэсь примасы законопроектанть, конаньсэ аравтозь рекувизировамс иностранной суднатнень, конат кекшеть американской портнэс.

(ТАСС).

Италиясо судебной приговорнтэ

«Джорнале д'Италия» итальянской газетась пачти, што государстванъ коряс особой судось приговорил вейке итальянецанть 9 иес тюрьмас пекстамос «живой ды пораженческой кулатнень нолдтнеманть кис». Секе жо преступлениянтнэнь кис приговоренной эрьва кодамо сроке тюрьмас пекстамос еще 13 ломань.

(ТАСС).

Алжирянь лагерьтнесэ заключеннойтнэнь эрямонь условият

«Пари суар» парижской газетанъ корреспондентэсь якась Южвой Алжирсэ зярря лагерьтнесэ, конатнесэ ссыльнойтне роботыть транссахарской чугунканъ кинть строямонь коряс анокстамонь роботатнесэ. Заключеннойтне роботыть 15 час чистанть, пек виев псинть пингстэ. Ведесь а сатни. Лагерьтнесэ аравтоз военной дисциплина. Робочейтнэнь ютксо ламо испанской республиканецт, конат роботыть чернорабочейкс.

(ТАСС).

Ответ. редакторось А. ЩЕГЛОВ.